

Preporuke za skijališta u kontekstu COVID-19

Opće preporuke

U ovim poslovnim subjektima neophodno je primjenjivati mjere sprječavanja širenja COVID-19 kao i u svim drugim aktivnostima. Ove mjere podrazumjevaju sljedeće:

Uposlenicima pružiti informacije i edukaciju vezano za prevenciju širenja COVID-19 (materijali se mogu pronaći na stranici Zavoda za javno zdravstvo FBiH www.zzjzfbih.ba)

- Higijena ruku, respiratorna higijena, izbjegavati dodirivanje lica
- Standardne mjere higijene i zaštite zdravlja
- Mjere zaštite karakteristične za COVID-19
- Mjere zaštite karakteristične za djelatnost

Specifične mjere za skijališta

Skijanje je po prirodi siguran i fizički distanciran zimski sport, međutim ipak je potrebno poduzeti određene mjere prevencije kako bi se mogućnost prijenosa zaraze smanjila na minimum.

- Preporučuje se poticanje na kupovinu on-line karata kad god je to moguće.
- Organizirati redove za čekanje u skladu s preporukama kako bi se izbjeglo okupljanje grupa kako na otvorenom, tako i u zatvorenom prostoru. Osigurati održavanje razmaka između osoba od 1,5-2m.
- Ograničiti broj osoba u žičarama, ski liftovima i drugim transportnim sredstvima (osim za članove iste obitelji, odnosno bliskog društvenog kruga-*social bubble*), kako bi se osiguralo održavanje preporučene fizičke distance od 1-2m uz obavezno nošenje maske.
- U prostorima gdje se iznajmljuje oprema ograničiti broj klijenata u skladu s veličinom prostorije (1 osoba na 9m²) i osigurati pridržavanje svih higijenskih mjeru: nošenje maske, dezinfekcija ruku na ulazu, održavanje fizičke distance.
- Grupni satovi skijanja: instruktori i polaznici trebaju održavati fizičku distancu tijekom instrukcija, a grupe trebaju biti manje, najbolje do pet-deset učenika po instruktorku. Prije početka, preporuča se popuniti dnevnik simptoma za svakog polaznika.
- Osigurati dostupnost sredstava za dezinfekciju ruku na ulazu u sve zatvorene objekte.
- Postaviti uputstva o mjerama za suzbijanje širenja virusa u kontekstu COVID-19 na vidljiva mesta, po mogućnosti na više jezika.
- Pravilo cijepljen-prebolio-testiran (CPT) primjenjivati prema Naredbi kriznih stožera.

Specifične mjere za ugostiteljske objekte

- Redovito vršiti kontrolu i nadzor nad provedbom ovih mjera i davati povratne informacije uposlenicima. Standardi higijenskog minima koji se inače koriste u ugostiteljstvu su posebno značajni u ovoj epidemiološkoj situaciji, te treba posebno insistirati na strogom pridržavanju higijenskih principa i dobre higijenske prakse.
- Insistirati na provođenju pojačanih mjera higijene i sanitacije.

- Osigurati provjetravanja prostorija vanjskim zrakom tokom radnog vremena, mehaničkom ili prirodnom ventilacijom. Povesti računa o ispravnosti i higijeni pogona za mehaničku ventilaciju/grijanje i klimatizaciju.
- Na ulazima i na više mjesta u zavisnosti od površine prostora postaviti sredstvo za dezinfekciju sa uputstvom za korištenje tako da bude dostupno uposlenicima i gostima.
- Preporučuje se organizirati rad u dvije smjene, na način da između dvije smjene bude vremenski period u kom će se izvršiti temeljito čišćenje i dezinfekcija prostora.
- Osigurati da se ne stvaraju gužve, te da se jasna uputstva o ograničenjima i mjerama postave na sve u vidljiva mjesta. Maksimalni broj gostiju u objektu odrediti prema Naredbi kriznih stožera.
- Stolovi trebaju biti tako raspoređeni da je udaljenost između njih najmanje 2 metra od ivice do ivice stola. Potrebno je osigurati da je udaljenost osoba koje sjede za istim stolom najmanje 1m (osim za članove iste obitelji, odnosno bliskog društvenog kruga-*social bubble*), u skladu sa tim ograničiti broj stolica za stolovima u zavisnosti od veličine stola.
- Ukoliko se ne može osigurati udaljinost od dva metra između stolova, udaljinost može biti manja, ali u tom prostoru ne može biti postavljena stolica.
- Ne dozvoliti stajanje za šankovima, koristiti samo sjedeća mjesta.
- Svo osoblje treba nositi zaštitnu masku na radnom mjestu.
- Gosti trebaju nositi masku prilikom kretanja, (ulazak, izlazak, odlazak u toalet, plaćanje, preuzimanje narudžbe), a iz praktičnih razloga maske ne moraju nositi cijelo vrijeme dok sjede za stolovima.
- U zavisnosti od vrste objekta preporučuju se rezervacije, prodaja za ponijeti i šalterska prodaja.
- Ne preporučuje se bilo kakav vid samousluživanja sa zajedničkih stolova (salate, escajg, začini, ulje, kečap). Escajg treba da se donese zamotan zajedno sa jelom, a ako dodatci (sol, biber, ulje, senf, kečap, ocat i sl.) stoje na stolovima, njihove posude treba dezinficirati poslije svakog gosta.
- Nakon svakog gosta treba dezinficirati stolove koji su korišteni.
- Preporučuje se da se naplata vrši za stolom, da bi se izbjegle gužve za kasama.
- Zbog kontrole broja gostiju preporučuje se da postoji odvojeni ulaz i izlaz gdje god je to moguće. Prilikom ulaska i izlaska održavati fizičku udaljenost od 1-2 metra.
- Uposlenike koji razviju simptome kao što su kašalj, povišena tjelesna temperatura, malaksalost, gubitak mirisa i okusa, uputiti da ne dolaze na posao nego da se obrate svom ljekaru.